

毛詩傳箋通釋

毛詩傳箋通釋卷九

齊

桐城馬瑞辰學

齊風總論

治國以禮義者禮義積而民多信讓治國以功利者功利積而國多富強世或謂信讓之衰流爲微弱嘗於魯徵之富強之弊失在荒淫可於齊見之然齊太公之報政也曰因其俗蓋因其強毅之俗非因其荒亂之俗也曰簡其禮蓋簡其繁重之禮非簡其婚姻之禮也通工商之業非使其舍業以嬉也便魚鹽之利非教其民好利無恥也齊風十篇皆刺詩內刺哀公者二刺襄公者五其三刺時刺衰刺無節蓋皆哀公時作其一刺魯莊

仍以刺齊襄也從禽無厭昏禮不行實哀公之荒淫有以啟之苦及百姓惡播萬民實襄公之荒淫有以致之豈太公之報政簡易近民有未善哉

鷄鳴

匪雞則鳴蒼蠅之聲傳蒼蠅之聲有似遠雞之鳴箋夫人以蠅聲爲雞鳴則起早於常禮敬也

瑞辰

按古者雞

鳴而起蠅於天將明時始鳴實在雞鳴之後箋以蠅聲爲早於雞鳴非也二章日出之光印古詩話謂月當爲日字之誤詩蓋託爲夫人戒君早朝恐其晏起之詞始曰雞鳴朝盈可以起矣繼則曰匪雞鳴也蠅聲也言不止雞鳴天已將明也二章繼前章言之曰東方明矣朝

既昌矣可以視朝矣繼又曰匪東方則明乃日出也言不止天明也蠅聲晚於雞鳴日出又晚於東方明未章會且歸矣又不止日出來朝皆極言恐其將晚而賢妃警戒之意始見二章曰譌爲月毛鄭所見本已然以月光早於東方因竝以蠅聲爲早於雞鳴失其義矣

無底予子憎傳無底予子憎無見惡於夫人箋底衆也無使衆臣以我故憎惡於子戒之也

瑞辰

按爾雅底幸

也大雅抑詩底無大悔傳底幸也無底卽底無之倒文猶遐不亦作不瑕尙不亦作不尙也合言之則無底卽無也故傳但以無字釋之箋釋底爲衆失矣予與古今字予子憎正義引定本作與子憎與猶遺也

廣雅遺與也

猶貽也

說文貽贈遺也

無底與子憎卽底無貽子憎猶詩言無

父母貽罹左傳無貽寡君羞也毛傳但曰無見惡於天人不解予字予卽與之通用字箋讀予爲予我之予失之

還

序習於田獵謂之賢

瑞辰

按賢當爲儼字音近之譌序

本經文以立訓賢卽首章儼字猶下句閑於馳逐謂之好卽釋二章好字也

子之還兮傳還便捷之貌釋文便捷本亦作便旋

瑞辰

按還旋古通用釋文傳作便旋爲是說文趨疾也傳訓便捷以還爲趨之段借說文又曰儼急也義與趨近釋

文引韓詩作嬾云嬾好貌據下章子之茂兮子之昌兮
茂昌皆爲好則還者嬾之段借從韓詩訓好爲是漢書
地理志引齊詩作子之營兮古人讀營如環故通用猶
蒼頡篇自環者謂之私說文引作自營爲人也營亦嬾
之借字猶還亦假作旋也顏師古訓爲營邱失之地理
志引齊詩者謂齊國風之詩非齊魯韓三家之齊顏師
古注遂謂毛詩作旋齊詩作營誤矣

遭我乎徂之間兮傳徂山名釋名引說文徂山在齊崔
集注本作嶼瑞辰按說文徂山在齊地引詩遭我于徂
之間兮漢地理志引詩作嶼顏師古曰本一作嶼音皆
乃高反元于欽齊乘曰徂山在臨淄縣南十五里

並驅從兩肩兮傳獸三歲曰肩釋文肩本亦作豮

瑞辰

按說文豮三歲豕肩相及者引詩並驅從兩豮兮是作豮者正字今詩作肩段借字石鼓文及字書作豮又或作豮皆後人增益字也豮從豕小爾雅云豕之大者謂之豮豮說文亦云豮三歲豕是豮本三歲大豕之名而爾雅云鹿絕有力麀麀絕有力豮麀豮音義同是凡鹿麀之大者通名豮矣此詩傳云獸三歲曰肩豮風傳亦曰三歲爲豮是凡獸三歲者曰肩通名豮矣後漢書馬融傳注引韓詩傳曰獸三歲曰肩呂氏春秋知化篇高誘注獸三歲曰豮並與毛詩同而伐檀篇毛傳又曰三歲曰特王肅謂三歲者有二名非也廣雅獸一歲爲豮

二歲爲貳三歲爲肩四歲爲特其言從肩均同毛傳則
四歲爲特亦當本毛傳爲說古四字積畫作三易譌爲
三疑毛傳本作四歲曰特傳鳥者誤爲三歲耳周官大
司馬先鄭注三歲爲特四歲爲肩與廣雅互易蓋由傳
聞異說抑或上下互譌以毛詩說文證之當从廣雅爲
正

揖我謂我儼兮傳儼利也箋子則揖耦我謂我儼譽之
也譽之者以報前言還也釋文儼韓詩作嫫云好貌王
觀察曰二章言好三章言臧則首章从韓詩作嫫訓好
義亦同瑞辰按王說是也嫫通作嫫玉篇嫫好貌或作
嫫又通作卷澤陂詩碩大且卷傳卷好貌釋文卷本又

作嬖廣雅嬖好也毛詩作僂者音近段借傳以利釋之
方言說文竝曰僂慧也慧者多便利與還爲便捷義相
近故箋以爲報前言還也

著

序著刺時也時不親迎也正義毛以首章言士親迎二
章言卿大夫親迎卒章言人君親迎鄭以爲三章共述
人臣親迎之禮瑞辰按隱二年公羊傳譏不親迎也何
休註禮所以必親迎者所以示男先女也於廟者告本
也夏后氏逆於庭殷人逆於堂周人逆於戶僂師武億
據以釋此詩其說是也詩刺時不親迎因錯陳三代親
迎之禮首章俟著於門戶爲近卽周人逆於戶二章俟

庭三章俟堂正與夏殷禮合較毛鄭說爲允說文脩文篇說親迎之禮言夫人戒女女拜乃親引其手授夫于戶正周人逆於戶之證著與宁通汪氏中云宁有二一是門屏之間爲宁注云門內屏外人君視朝所宁立處是也一是正門內兩塾之間爲宁此詩俟我於著李巡云正門內兩塾間曰宁是也詩宁不爲門屏之間故傳以爲士親迎之禮然三章瓊華瓊瑩瓊英文異而義同傳以瓊華爲士服瓊瑩爲卿大夫之服瓊英爲人君之服非也鄭以三章俱爲人臣親迎之禮亦誤

充耳以素乎而傳素象填二章傳青青玉二章傳黃黃玉箋我視君子則以素爲充耳謂所以縣填者或名爲

統織之人君五色臣則三色而已三章青統之青三章

黃統之黃

瑞辰

按大戴記子張入官篇曰古者冕而前

旒所以蔽明也黻統塞耳所以弇聰也黻莊子淮南子俱作黻玉篇黻爲斟之重文訓黃色廣雅黻黃也統卽續字說文續絮也或从光作統西京賦薛綜注黻續言以黃縣大如丸縣冠兩邊當耳不欲妄聞不急之言也又士喪禮瑱用白纁據此則古者充耳之制當耳處用纁此詩充耳以黃卽黻纁以素以青卽素纁青纁也其纁之下更綴玉爲瑱故詩言瓊華瓊瑩瓊英皆曰尙之尙之卽加之正對上已有纁言之孔廣森曰充耳皆有統統下乃綴玉象之等其說是也若如傳以詩素青黃

爲象玉則下不得復言瓊華瓊瑩瓊英箋以素青黃爲
紉紉乃縣纁之纁不得謂之充耳段玉裁謂古無以纁
塞耳者大戴紉乃紉字形近之誤說亦未確

東方之日

東方之日兮傳日出東方人君明盛無不照察也二章
傳月盛於東方君明於上若日也臣察於下若月也箋
曰在東方其明未融興者喻君不明二章箋月以興臣
月在東方亦言不明瑞辰按傳箋義正相反與詩取興
彼姝者子義不相協不若韓詩以東方之日喻顏色美
盛爲善文選李善註引韓詩薛君章句曰詩人所說者
顏色盛也言美如東方之日出也二章東方之月韓詩

說不傳義當與首章同古者喻人顏色之美多取譬於
日月詩月出皎兮傳喻婦人有美白皙也宋玉神女賦
其始出也耀乎若白日初出照屋梁其少進也皎若明
月舒其光義本此詩彼姝者子蓋指女子言傳箋以爲
男子非也

履我卽兮傳履禮也箋卽就也

瑞辰

按二章履我發兮

傳訓發爲行則此章卽亦爲行卽就也謂所就止之處

卽行也卽爲就亦爲行猶從爲就亦爲行也

廣雅從就也從行也

廣雅行跡也說文迹步處也履當如朱子集傳讀爲踐

履之履履我行者謂女子從我行猶云踐我跡也詩刺

男女淫奔相隨而行謂男倡而女隨非謂禮也傳箋竝

訓履爲禮失之

在我闔兮傳闔門內也

瑞辰

按傳門內當爲內門之譌

文選古詞傷歌行李善注引毛傳曰闔內門也是其證
矣漢書樊噲傳排闥直入顏師古註闔宮中小門也薛
綜西京賦註宮中之門小者曰闔又闔與闔同廣雅闔
謂之門後漢書桓帝紀章懷註引廣雅作闔謂之闔爾
雅宮中之門謂之闔與闔爲內門義正合說文無闔有
闔云闔樓上戶也段玉裁謂闔卽闔今按闔之言重沓
也闔爲內門對外門言爲重沓闔爲樓上戶對樓下戶
言亦爲重沓闔與闔蓋聲近而義同

履我發兮傳發行也

瑞辰

按發當爲跋之段借詩載馳

傳草行曰跋凡行亦通謂之跋跋借作發猶發通作跋也周語王耕一廣雅發舉也舉足卽爲行則發之本義跋亦作發亦得訓行

東方未明

東方未晞傳晞明之始升瑞辰按晞者昕之段借說文

昕旦明段玉裁謂當作且日將出也讀若希昕與晞一聲之轉

故通用廣雅昕明也小爾雅熈晞也昕猶熈也傳知晞卽昕故以爲明之始升正義引晞乾爲證失之

折柳樊圃傳樊藩也瑞辰按樊爲林之段借說文林藩

也从爻林引詩營營青蠅止于林今詩亦借作樊說文樊驚不行也乃樊之本義

狂夫瞿瞿傳瞿瞿無守之貌

瑞辰

按說文瞿鷹隼之視

也非詩意瞿瞿蓋眈眈之段借說文眈大又視也从二目讀若拘又若良士瞿瞿又舉舉目驚舉然也又趨走顧兒音義竝與眈眈相近荀子非十二子瞿瞿然楊倞註瞿瞿瞪視之貌亦當爲眈眈之段借凡人自驚顧皆曰眈眈借作瞿瞿故唐風言良士之顧禮義曰瞿瞿此詩言狂夫之無守亦曰瞿瞿

不能辰夜傳辰時也

瑞辰

按廣雅釋言時伺也伺候同

義伺卽司也周禮媒氏注司猶察也辰訓時有二義爾雅不辰不時也當爲時運之時此傳辰時也當爲時伺之時不能辰夜卽不能伺夜也說文候司望也伺候望

也伺古止作司辰與晨通周語農祥晨正謂以房星爲農事之候也說文辱字注云辰者農之時也故房星爲辰田候也莊子齊物論見卵而求時夜釋文引崔注云時夜司夜淮南子說山訓作見卵而求晨夜此正晨訓時伺之證又論語晨門亦謂候門漢時所謂城門候也義與詩晨夜正同

南山

南山崔崔傳南山齊南山也崔崔高大也國君尊嚴如南山崔崔然箋雄狐行求匹耦於南山之上瑞辰按小雅節彼南山維石巖巖以南山石之巖巖喻三公之尊嚴與此詩以南山喻國君之尊嚴取興正同至以雄狐

爲比則失人君之度矣箋謂雄狐求匹耦於南山之上
不若傳義爲允

魯道有蕩傳蕩平易也

瑞辰

按水經汶水注汶水又南

逕鉅平縣故城東而西南流城東有魯道詩所謂魯道
有蕩齊子由歸者也今汶上夾水有文姜臺汶水又西
南流詩云汶水滔滔矣今案汶爲齊魯境魯道對南山
在齊言蓋指初入魯境之道故後人遂名鉅平縣城東
爲魯道耳

齊子由歸傳齊子文姜也箋婦人謂嫁曰歸言文姜旣
以禮從此道嫁于魯侯也

瑞辰

按繇由古通用爾雅繇

於也抑詩箋由於也廣雅於于也由歸猶言于歸也

既曰歸止曷又懷止傳懷思也箋懷來也

瑞辰

按箋訓

來是也婦人謂嫁曰歸爾雅嫁往也廣雅歸往也知嫁爲歸往則知反爲懷來矣左傳歸甯曰來公羊傳直來曰來大歸曰歸皆反歸曰來之證

葛屨五兩

瑞辰

按兩者緹之省借說文緹履兩枚也一

曰絞也方言緹緹絞也關之東西或謂之緹絞通語也段玉裁曰緹之言兩也緹之言雙也絞之言交也是緹緹絞名異而義同說苑修文篇言親迎之禮諸侯以履二兩加琮大夫庶人以履二兩加束脩二曰某國寡小君使寡人奉不珍之琮不珍之履禮夫人貞女又夫人受琮取一兩履以履女此詩葛屨五兩徐璈謂卽加琮

之屨是也彼言屨二兩而詩言五兩者疑說苑二兩當爲五兩之譌若二兩則諸侯與大夫庶人無異矣禮純帛無過五兩故屨亦以五兩爲多耳詩蓋因古親迎有送屨之禮故取葛屨五兩爲喻

冠綏雙止傳冠綏服之尊者箋葛屨五兩喻文姜與姪娣及傅姆同處冠綏喻襄公也五人爲奇而襄公往從而雙之冠屨不宜同處猶襄公文姜不宜爲夫婦之道

瑞辰

按說文纓冠系也綏冠纓系亟者內則冠綏纓注曰綏者纓之餘也正義曰結纓領下以固冠結之餘者散而下垂謂之綏古者冠系皆以二組系於冠卷結領下謂之纓纓用二組則綏亦雙垂綏以雙垂爲飾猶屨

必兩始成用皆以取譬二姓合好各有所宜傳箋俱以履冠相配爲喻似非詩義

旣曰庸止曷又從止箋此言文姜旣用此道嫁於魯侯襄公何復送而從之爲淫泆之行

瑞辰

按詩君子陽陽

傳由用也庸訓爲用卽爲由矣謂由之以嫁於魯也說文從隨行也繇隨從也由或繇字桓十八年左傳公與夫人姜氏如齊是夫人姜氏從公如齊之事詩曷又從止正指夫人從公如齊而言箋謂襄公送而從之非是襄公無從文姜至魯之事正義因言以意從送與之爲淫非謂從之至魯其義迂曲難通又按爾雅釋詁由從自也虞氏易注由自從也由與繇通說文闕開閉門利

也段云今俗語自由自便當作此字此詩從訓爲自闕
之闕義亦可通說文獵弓便利也義与闕由竝相近從
之言縱亦有自由自便之意

衡從其畝傳衡獵之從獵之種之然後得麻箋樹麻者
必先耕治其田然後樹之以言人君取妻必先議於父

母

瑞辰

按說文疇耕治之田也劉向說苑蔡邕月令章

句韋昭國語注竝以麻田爲疇與說文義正相成賈思
勰齊民要術曰凡種麻耕不厭熟縱橫七偏以上則麻
無葉也傳言衡獵之從獵之者正謂耕治其田獵之言
捷獵也

說文

捷獵春秋莒公子名捷蒞田一歲爲蒞捷獵正

取耕治之義田獵爲獵耕田亦得爲獵猶之田獵爲田

爲甸耕田亦爲田爲甸

說文獵放獵逐禽也放獵小徐本作畋獵畋平田也古獵者蓋

必先平治其地故獵亦名田甸耳

正義謂獵非耕治失之信南山詩南

東其畝言南以該北言東以該西卽此詩衡從其畝正

義謂古不宜縱橫耕田亦非釋文引韓詩作橫由其畝

云東西耕曰橫南北耕曰由橫卽衡也古由從二字同

義

說文繇隨從也由或繇字

故通用一切經音義三引韓詩傳南北

曰從東西曰橫是韓詩又作從橫其畝蓋傳韓詩者不

一家故本亦各異

曷又鞠止傳鞠窮也箋鞠盈也

瑞辰

按傳从爾雅訓鞠

爲窮是也廣雅窮極也訓鞠爲窮正與下章曷又極止

同義鞠者窾之段借說文窾窮也从窾鞠窮以雙聲爲

義箋訓盈公劉傳又訓鞠爲究竝與窮義近

甫田

無田甫田正義無田甫田猶多方云宅爾宅田爾田今人謂佃食古之遺語也釋文無田音佃瑞辰按說文引周書作畋爾田云畋平田也田卽畋之消借平田卽治田也信南山詩維禹甸之韓詩作噉音義竝與畋同又通作陳陳亦治也廣韻曰佃營田玉篇曰佃作田又治義之引申

勞心忉忉傳忉忉憂勞也

瑞辰

按胡承珙曰忉當通作

惆猶惆之爲忉也莊子釋文引字林惆作惻忉又惻字之省今按說文無忉有忍云忍怒也从心刀聲怒與憂

義正相近切蓋卽忍之異文猶怛或作忌也爾雅切切憂也切勞登韻勞亦憂也匡謬正俗謂切當作切失之維莠桀桀傳桀桀猶驕驕也瑞辰按上章之驕驕法言作喬喬爾雅喬高也胡承珙言驕驕卽喬喬之借字是也今按說文揭高舉也此章桀桀卽揭揭之段借義亦爲高故傳云桀桀猶驕驕也揭借作桀猶庶士有揭韓詩作桀也衛詩葭莢揭揭傳揭揭長也長與高義正相近

婉兮變兮傳婉變少好貌瑞辰按說文婉順也嬌順也

引詩婉兮嬌兮變猶文嬈是毛詩作變正用籀文順與美義正相成故說文又曰靚好視也至說文又曰變慕

也蓋摘文以變爲嬀順字小篆則以變爲今之戀慕字故不嫌複見猶小篆以尋爲取古文則以尋爲得也或於嬀下刪變字失之毛詩於泉水戀彼諸姬云戀好貌於靜女其戀曰既有美德又有美色皆以戀爲嬀字不取戀慕之義

總角𠂔兮傳總角聚兩髦也𠂔幼穉也

瑞辰

按張參五

經文字𠂔工瓦切羊角也象形俗呼古患反作𠂔無中一又𠂔古患反見詩風是張參所見毛詩作𠂔唐石經定本俱作𠂔與張參說合周官𠂔人正義亦曰經所云𠂔是總角之𠂔字是知今毛詩作𠂔者俗也𠂔當卽𠂔之消說文𠂔羊角也象形讀若羝又羊祥也从𠂔象頭

角足尾之形又萑鴟屬从佳从艹有毛角玉篇艹羊角也
也艹艹兩角貌是古字从艹者多消作卂又皆象頭角之形
此詩總角卂兮卂亦象兩角之兒傳訓爲幼穉者特以卂讀鯢
訓爲魚子與人之幼穉同耳不若訓爲總角兒爲善又按張參
五經文字卂字註云又古猛反見周禮說文以爲古卯字據內
則濡魚卵醬寶蓼鄭註卯讀爲鯢鯢魚子或作攔也攔从關
關从糸聲糸从卂聲與說文卂爲古卯字正合又說文縮字註
一曰讀若雞卵縮卂聲亦相近是知說文古本卯字下本有卂
古文卵之說今本脫去後人因周官注有卂之言礦語遂於礦
下妄增卂字耳

未幾見兮突而弁兮瑞辰按釋文見兮一本作見之據箋云見之無幾是鄭君本原作見之正義此言突若弁兮又云若猶耳也定本云突而弁兮不作若字是正義本原作若今作而者以定本也

盧令

盧令令傳令令纓環聲瑞辰按令卽鈴之消借故正義卽以鈴鈴釋之廣雅釋訓亦云鈴鈴聲也說文引詩作獐獐云獐健也蓋本三家詩玉篇獐獐聲也亦作獐則獐與鈴聲義竝同鈴借作獐猶秦風有車鄰鄰鄰亦鈴之借字也

其人美且鬖傳鬖好貌箋鬖當讀爲權權男壯也瑞辰

按說文髻髮好貌因通爲凡好之稱字通作嫵玉篇嫵
好貌或作嫵廣雅嫵嫵竝訓好是也說文無嫵嫵字古
字蓋止作髻或省作卷澤陂碩大且卷是也箋讀爲權
權乃權字之譌張參五經文字權字注云从手作攢古
者拳握字按說文捲气執也引國語曰有捲勇乃古拳
勇字詩作拳者亦段借攢者拳之異體古亦段爲捲勇
字故箋云髻當讀爲攢後人譌寫作權吳都賦覽將帥
之攢勇今本亦譌作權又按說文吳大兒从大厶聲或
曰拳勇字一曰讀若僞據說文厶讀若書卷之卷則吳
與髻亦音近通用

其人美且偲傳偲才也箋才多才也釋文引說文云強

也瑞辰

按廣雅釋言僂佞也佞亦才也小爾雅釋言佞才也是已至今本說文僂彊力也據說文𠂔迫也古本作𠂔𠂔𠂔爲勉強本字強壯之強或亦通作𠂔當以釋文所引爲正後人誤分𠂔爲二字遂作彊力矣

敝笱

其魚魴鰈傳鰈大魚箋鰈魚子也正義鰈魚子釋魚文李巡曰凡魚之子總名鰈也鰈鰈字異蓋古字通用或鄭本作鰈也瑞辰按說文鰈鰈魚也从魚衆聲李陽冰

曰當从𩺰省𩺰卽古昆字故古鰈字作鰈隸省作鰈說文有鰈無鰈正以鰈卽鰈字耳今按內則卵醬鄭註卵讀爲鰈鰈魚子與此箋鰈魚子合正鰈鰈同字之證魚

子謂之鰈魚之大者亦謂之鰈大小不嫌同名猶鮓爲

魚子而東海之鮓亦名鮓也

說文鮓魚子也一日魚之美者東海之鮓據詩

魴鰈與魴鱣對言魴鱣皆魚名則鰈亦魚名不當如鄭箋訓爲魚子傳云魴鱣大魚則此云鰈大魚者亦魴鱣之類正義引孔叢子衛人得鰈魚其大盈車以證之失其指矣說文鯨鯨魚也與鰈相次禮記釋文鯨亦作鰈未識今爲何魚惟釋魚鱣鮓郭云今鰈魚蓋鮓鰈古今字今人曰鰈子讀如混與鰈之通鯢者聲相近王尙書謂鰈卽爲鰈其說甚確其大與魴鱣正相類耳又按魏志注引魏畧云丁零國出名鼠皮青昆子白昆子皮說文云鼯鼠出丁零胡皮可作裘鼯鼠卽昆子也此亦與

鯢鯢轉作鯢者相類

其魚唯唯傳唯唯出入不制箋唯唯行相隨順之貌釋

文韓詩作遺遺言不能制也

瑞辰

按箋義本韓詩魚行

相隨即不能制傳箋義正相成玉篇遺遺魚行相隨廣
韻遺魚盛貌韓詩遺遺卽遺遺之消毛詩作唯唯又遺
遺之改借

載驅

齊子發夕傳發夕自夕發至旦

瑞辰

按商頌釋文引韓

詩云發明也此詩釋文引韓詩云發旦也旦亦明也

易林

襄送季女至于蕩道齊子曰夕留
連久處旦夕卽發夕義本韓詩

毛傳云自夕發至旦

者蓋以發夕卽夕發倒文謂夕將發明之時旦爲天將

大明之時自夕發至旦猶云自夕初明至明也言旦以證發夕尙爲天未明時耳說文旦明也从日見一上一地也引禮昏鼓四通爲大鼓衛公兵法鼓三百三十三槌爲一通夜半三通爲戒晨旦明五通爲發明發夕與發明詞異而義同發明亦曰明發小宛詩明發不寐毛傳明發發夕至明猶此傳云自夕發至旦也古者日入以後日出以前通謂之夕以其時天已將明謂之發明亦曰明發以其時天已將明而日尙未出謂之發夕亦曰夕發其義可互證也二章齊子豈弟箋讀豈爲闔讀弟如圍訓圍爲明而云豈弟猶發夕也正以豈弟猶開明卽闔圍之段借廣雅闔明也圍段作弟與說文引尙書曰圍史記宋世

家作曰涕正同愷悌與發夕語相類爾雅釋言愷悌發也爲鄭箋所本發之訓明訓旦蓋古義楚辭王逸註發旦也長發詩釋文掇韓詩作發發明也廣雅發明也發開也竝與古義合又醉而醒謂之發賈誼新書先醒篇辟猶俱醉而獨先發也晏子諫篇上景公飲酒三日而後發是也又寐而覺亦曰發晏子諫篇又曰君夜發不可以朝發猶覺也故說文覺字注一曰發也與發之爲明義亦相近郭註孔疏竝以發爲發行失之小宛明發不寐明發皆當謂覺毛傳謂發夕至明亦非

猗嗟

猗嗟昌兮傳猗嗟歎辭昌盛也

瑞長

按猗者美之之詞

嗟者語詞也毛傳以爲歎辭正義云猗是心內不平嗟口之喑叫皆傷歎之聲失之說文昌美言也从日从昌之本義爲美言引申爲凡美盛之稱

頤而長兮

瑞辰

按正義若猶然也引史記頤然而長爲

證又云今定本云頤而長兮而與若義竝通是孔疏本原作頤若長兮與下文抑若揚兮句法相類今從定本作而非孔本之舊

抑若揚兮傳抑美色揚廣揚

瑞辰

按懿抑古通用抑詩

外傳作懿是也釋詁詩烝民傳皆曰懿美也說文懿嫺久而美也抑卽懿之畋借故傳訓美色揚當讀如揚休之揚謂美貌也不必如傳訓爲廣揚

美目揚兮傳好目揚眉

瑞辰

按方言好目謂之順燕代

朝鮮冽水之間曰盱或謂之揚是揚爲好目貌美目揚
兮與下章美目清兮碩人詩美目盼兮句法同皆狀其
目之美卽光庭曰揚者目開之貌禮記揚其目而視之
是也傳以揚爲揚眉又云目下爲清竝失之

猗嗟名兮傳目上爲名

瑞辰

按傳同爾雅疑爾雅此訓

漢儒擬毛傳增入非古義也猗嗟名兮與猗嗟昌兮猗

嗟變分句法相同若以名爲目上則昌與變將何屬也

名明古通用

檀弓子夏喪明冀州從事郭公碑作喪子失名

名當讀明明亦昌

盛之義說文昌字註一曰日光也詩曰東方昌矣昌卽
明也淮南子說林訓長而愈明高註明猶盛也又名古

有大義魯語取名魚卽大魚也禮器因名山升中於天
鄭注名猶大也三章首句皆歎美其容貌之盛大傳訓
日上爲名失之薛綜西京賦注昭眉捷之間蓋後人增
加字名从夕夕者冥也故韓詩作顥亦音近段借玉篇
顥眉目間也集韻引詩猗嗟顥兮俱本韓詩然以顥爲
眉目間特說韓詩者誤解非詩本旨

儀旣成兮箋成猶備也正義謂成儀容貌旣備瑞辰按
周禮射人以射法治射儀詩下言終日射侯則儀當卽
指射儀胡承珙引淮南子淑真篇善射者有儀表之度
秦族篇射者數發不中人教之以儀則喜矣證詩儀卽
射儀是也正義泛言威儀失之

舞則選兮傳選齊箋選者謂於倫等最上

瑞辰

按詩三

章俱言射事則舞亦射時之舞周官鄉大夫鄉射教五物一曰和二曰容三曰主皮四曰和容五曰興舞馬融論語註射有五善一曰和志體和二曰容有容儀三曰主皮能中質四曰和頌合雅頌五曰興武武與舞同此詩美目揚兮巧趨蹌兮儀既成兮卽五物之和容也不出正兮射則貫兮卽主皮也皇侃論語疏釋興武曰射容與舞趣興相會進退同也則此詩舞則選兮卽興舞耳周官大司樂大射王出入令奏王夏及射令奏騶虞詔諸侯以弓矢舞樂師燕射帥射夫以弓矢舞皆射時有舞之證選從傳訓齊爲是選比義相近

大射儀遂比鄭注比選次

三耦選訓爲齊猶比訓爲齊也

六月詩比物四說文選驥傳比齊同也

一曰擇也選擇所以整齊之故選又爲齊又說文琬讀若選書鳥獸毛琬鄭注琬理也毛更生整理與廣雅洒齊也同義聲同則義亦同史記仲尼弟子傳楚仕不齊字選不語詞不齊齊也皆選有齊義之證曾釗疑選爲埒之段借失之射舞在歌樂之時射之節與樂舞相應是之謂齊卽記所云其節比於樂也選韓詩作纂薛君曰言其舞應雅樂也義同毛傳選纂雙聲古通用選通爲纂猶算通作選也

射則貫兮傳貫中也箋貫習也

瑞辰

按貫从傳訓中爲

是古貫通作關儀禮鄉射禮司射命曰不貫不釋註貫

猶中也古文貫作關今按貫有三訓有以貫爲彎弓之
段借者史記伍子胥傳子胥貫弓執矢嚮使貫弓列子
黃帝篇引之盈貫後漢蔡彤傳能貫三百斤弓皆以貫
爲滿張弓卽孟子所謂關弓文選註引作彎弓是也有
以貫爲中者此詩射則貫兮及儀禮不貫不釋毛鄭竝
訓貫爲中是也淮南子說山訓矢之發無能貫待其上
而後有穿貫猶穿也古貫字作母說文母穿物持之也
从一橫貫象寶貨之形穿與中義相成能中卽穿之矣
其字亦與關通雜記見輪人以其杖關轂而輓輪者疏
云關穿也關蓋貫之段借惠定宇謂儀禮不貫卽彎弓
失之箋訓習以貫爲慣之段借

說文慣
習也

亦非詩義

四矢反兮傳四矢乘矢箋反復也禮射三而止每射四

矢皆得其故處此之謂復

瑞辰

按列子黃帝篇列禦寇

爲伯昏無人射引之盈貫措杯水其肘上發之鏑矢復

沓

莊子鏑矢復沓沓

沓之言重沓也又仲尼篇孔穿言

善射者能令後鏑中前括發發相及矢矢相屬皆謂矢

復其故處正此詩四矢反兮之謂周官保氏五射鄭司

農以參連居其一賈疏參連者前放一矢後三矢連續

而去亦與詩四矢反兮義相近反古音如變故韓詩借

作四矢變兮反通作變猶下通作反也

說文汲水卽汴水廣韻飯亦作

飯俗又作說韓詩者望文生訓遂訓爲變易失之

毛詩傳箋通釋卷十

魏

桐城馬瑞辰學

魏風總論

奢者惡之大也儉者德之基也奢之極者必貪非殘刻
不足以濟之故曹風首蜉蝣以刺奢而終以下泉刺侵
刻也儉之極者亦必貪非重斂不足以濟之故魏風首
葛屨汾沮洳以刺儉而終以伐檀碩鼠刺貪鄙也儉勤
與儉嗇異儉而有禮與儉而不中禮者又異蓋儉勤者
儉以持己而所以奉上惠下者不嫌豐儉嗇者吝於與
人而所以持身陟世者無不隘儉而有禮者儉其所當
儉如禹之菲飲食惡衣服卑宮室是也而孝鬼神美黻

冕於禮所不當儉者必有以協於中儉而不中禮者如
魏之葛屨履霜彼汾采菜是也而異公路異公族異公
行於禮所不當儉者無一不趨於簡魏非儉以能勤之
失乃儉而過嗇之失也亦非僅儉嗇之失乃儉而不中
禮之失也古者取民之制以什一爲中正多乎什一者
非所以恤民少乎什一者亦非所以制國且始也取之
過少者其繼也國用不足兵役數見則取於民者必奢
魏惟有園桃之薄稅乃有碩鼠之重歛治國者可以鑒
矣

葛屨

糾糾葛屨傳糾糾猶繚繚也

瑞辰

按說文斗相糾繚也

糾與繆同糾糾蓋繆結之狀故傳云猶繚繚也說文又曰盤讀若詩糾糾葛屨今按盤之言鳩鳩亦聚束之義又禹貢苞匭菁茅鄭註匭纏結也亦讀匭爲糾正義以糾糾爲稀疏之貌失之

摻摻女手傳摻摻猶纖纖也

瑞辰

按文選古詩十九首

注引韓詩作纖纖說文攴好手貌引詩攴攴女手从手
戠聲又戈部戠字註引詩亦作攴攴與纖訓細義異而
音同說文蓋本韓詩攴攴纖纖皆攴攴之段借攴攴古
同音攴通作攴猶攴通作醪說文醪醪也廣韻醪醪甚也繆通作攴
也爾雅釋天繆帛繆釋文繆木或作攴韓詩章句纖纖女手之貌說文繆
好兒義與攴音義同

爾雅釋天纁帛繇
釋文繇木或作繇

韓詩章句纖纖女手之貌說文修

好兒義與織音義同

要之襪之好人服之傳要褻也襪領也好人好女手之

人箋服整也褻也領也在上好人尙可使整治之謂屬

著之瑞辰按好人猶言美人謂君也好人服之服指服

用卽謂君子服用之傳以好人謂好手之人箋訓服爲

整竝失之要之襪之承上摻摻女手謂女要之襪之以

供好人之服用下言要襪兼衣裳言而上止言縫裳者

詩以裳與霜韵故言裳以該衣非謂女專縫裳也

好人提提傳提提安諦也瑞辰按提爲媿之段借說文

媿諦也爾雅媿媿安也郭註見詩卽此詩媿媿爲安諦

又爲美好東方朔七諫西施媿媿而不得見王逸章句

媿媿好兒也引詩好人媿媿蓋本三家詩提提媿媿又

作娉娉漢書叙傳娉娉公主乃女烏孫師古註引詩好人媿媿云媿與娉音義同說文娉美女也與媿媿訓好義正合據說文娉或从氏作妣則爾雅釋訓怗怗愛也與媿媿音義亦近孟康漢書注作娉娉是也提提又通作折折檀弓吉事欲其折折耳鄭註折折安舒貌引詩好人提提山井鼎考文云折折古本作提提媿媿又通作提提方言自關而西凡細而有容謂之媿或曰提說文文提提行兒也又曰媿媿也媿媿又與提提義近說文提衣厚提提又按下文維是褊心以刺魏君則上好人宜卽指魏君言不得如傳以好人爲好女手之人宛然左辟傳宛辟貌婦至門夫揖而入不敢當宛然而

左辟釋文辟音避注同

瑞辰

按說文僻辟也引詩宛如

左僻如猶然也僻卽辟也辟當讀如便辟之辟論語足恭孔安國註足恭便辟之貌也詩板無爲夸毗正義夸毗者便辟其足前却爲恭論語師也辟亦謂便辟好習容儀也列子釋文便僻恭敬太過也便與旋疊韻而同義故左傳以便爲旋凡言便辟與槃辟旋辟義亦同漢書儒林傳魯徐生善爲頌注蘇林徐氏後有張氏不知經但能盤辟爲禮容也郊特牲有由辟焉卽盤辟包咸論語註躩盤辟也盤辟亦曰旋辟曲禮若主人拜則客還辟辟拜還卽旋也旋辟亦曰般旋爾雅釋言般旋也說文般辟也象舟之旋投壺主人般旋曰辟賓般旋曰

辟大射儀賓辟注辟遂逝不敢當盛茲與此詩左辟同
義辟之言邊般辟爲容則易偏於一邊故曰左辟辟音
婢亦反其義近避儀禮鄉射經主人少退注曰少退猶
少辟也又鄉飲酒禮注曰少退少辟辟卽避也故此詩
釋文讀辟爲避古左與邪通王制執左道以亂政殺盧
植曰左道謂邪道是也左辟卽邪辟也此亦當指人君
盤辟爲容

汾沮洳

序其君儉以能勤釋文作其君子云一本無子字正義
案王肅孫毓皆以爲大夫采芣其集注序云君子儉以
能勤今定本及諸本序直云其君義亦得通瑞辰按此

詩公路公行公族皆指大夫言則序作君子爲是

彼汾沮洳傳沮洳其漸洳者瑞辰按蒼頡篇沮者漸也

沮漸同義故傳謂沮洳卽漸洳說文澤漸涇也澤卽洳

字

言采其莫傳莫菜也正義引陸機疏云莫莖大如箸赤

節節一葉似柳葉厚而長有毛刺今人纔以取繭緒其

味酢而滑始生可以爲羹又可生食五方通謂之酸迷

冀州人謂之乾絳河汾之間謂之莫瑞辰按本草羊蹄

陶隱居注云又一種極相似而味酸呼爲酸摸又本草

拾遺云酸摸葉酸美人亦折食其莢葉似羊蹄與陸疏

言酸迷者同是酸迷一名酸摸省言之則曰莫莫又轉

無爾雅釋草須殽蕪郭註似羊蹄葉細味酢可食殽蕪
卽酸摸之轉音正此詩莫榮也或疑爾雅不載莫榮誤
矣二章采桑箋云剝桑事也據陸疏云莫可繅以取繭
緒則采莫爲親繅事陸佃埤雅引此詩而釋之曰言其
君儉以能勤始於侵繅事而采莫終於侵蠶事而采桑
是也惟其君當作君子又采蕪無所屬耳

殊異乎公路傳路車也箋公路主君之軺車庶子爲之
晉趙盾爲軺車之族是也正義公路與公行一也以其
主君路車謂之公路主君之行列者謂之公行正是一
官也瑞辰按周官巾車掌王之五路車僕掌戎車之倅
分路車戎車爲二此詩亦分公路公行爲二公路掌路

車主居守公行掌戎車主從行不必其爲一官左氏閔
二年傳晉太子申生伐東山臯落氏羊舌大夫爲尉大
戴記衛將軍文子篇言羊舌大夫爲公車尉盧辨註公
車尉公行也此公行主從行之證左氏宣二年傳冬趙
盾爲軫車之族服虔註軫車戎車之倖杜預註公行之
官也是服杜竝以軫車爲公行非公路矣箋以軫車釋
公路不若服杜爲確又左傳宦卿之適以爲公族又宦
其餘子亦爲餘子其庶子爲公行有餘子而無公路此
詩有公路而無餘子公行以庶子爲之公路較公行爲
尊當卽以餘子爲之餘子主公路而不以公路名猶公
行兼主庶子而不以庶子名凡一官兼數事者隨舉一

以名之耳正義謂餘子自掌餘子之政不掌公車不得謂之公路其說非也

美如英傳千人曰英瑞辰按詩美無度度當讀如尺度

之度與美如玉皆以器物爲喻不得謂英獨指人言英當讀如瓊英之英如英猶云如玉變文以協韻耳英通作瑛說文瑛玉光也或讀英如顏如舜英之英義亦可通

園有桃

園有桃瑞辰按呂氏春秋重已篇高註引詩園有樹桃

初學記引詩亦同疑三家詩古有作樹桃者二章亦當作樹棘與鶴鳴詩園有樹檀文法相類詩蓋以園之有

桃棘必待人樹之以喻國有民必待君能用之序所云刺不能用其民也

其實之穀釋文穀本作肴

瑞辰

按說文肴啖也凡非穀

食曰肴亦通稱食爲肴穀者肴之段借

我歌且謠傳曲合樂曰歌徒歌曰謠

瑞辰

按徒歌曰謠

義本爾雅韓詩章句有章曲曰歌無章曲曰謠義與毛傳同謠古字作魯說文魯徒歌从言肉聲又通作繇廣韻繇字註引詩我歌且繇蓋本三家詩繇與繇通繇卽由字繇謠一聲之轉故通用漢書李尋傳人民繇俗卽謠俗亦其證也又說文謠喜也音義亦與繇近

不知我者

瑞辰

按唐石經作不我知者光堯石經同不

我知猶論語云不患莫已知古人自有倒語耳今本作不知我蓋因箋云不知我所爲歌謠之意者而誤

謂我士也驕箋士事也不知我所爲歌謠之意者反謂

我於君事驕逸故

瑞辰

按我士與彼人對稱彼人謂所

刺之人我士卽詩人自謂也謂我士也驕設言旁人以我指斥時事爲過甚有似於驕猶二章謂我士也罔極廣雅極已也罔極謂求責之無已也箋訓士爲事失之傳於二章訓極爲中亦非

彼人是哉子曰何其傳謂夫人謂我欲何爲乎箋彼人謂君也曰於也不知我所爲憂者旣非責我又曰君儉而嗇所行是其道哉子於此憂之何乎

瑞辰

按彼人猶

夫人也漢書賈誼傳彼且爲我死故吾得與之俱生彼
且爲我亡故吾得與之俱存夫將爲我危故吾得與之
皆安顏師古注夫猶彼人耳文十四年左傳齊公子元
不順懿公之爲政也終不曰公曰夫已氏夫已氏猶詩
言彼已之子也檀弓夫夫也爲習於禮者夫夫猶論語
言彼哉彼哉故此傳卽以夫人釋彼人正義引定本傳
作彼人不曰夫人義亦通也彼人當从箋說謂君曰亦
當从箋訓於謂語詞也彼人是哉設爲不我知者之言
言其君所行未爲非也子曰何其謂子憂之何乎何其
卽何居也檀弓鄭注居讀如姬姓之姬齊魯之間語辭
也其亦讀與姬同通用

其誰知之蓋亦勿思箋云無知我憂所爲者則宜無復
思念之以自正也瑞辰按蓋者盍之假借亦者語詞爾
雅盍盍也廣雅曷何也蓋亦勿思猶云何勿思也孟子
蓋亦反其本矣猶云盍反其本也

園有棘傳棘棗也瑞辰按棗从重束棘从竝束對文則
異散文則棘亦訓棗爾雅槐棘醜喬周官外朝三槐九
棘孟子棘棘並通以棘爲棗與此詩同據下言其實之
食故知棘卽棗耳

陟岵

陟彼岵兮傳山無草木曰岵二章傳山有草木曰岵釋
文此傳及解岵與爾雅不同王肅依爾雅段玉裁曰毛

詩所據爲長岵之言瓠落也岵之言萋滋也瑞辰按爾

雅多草木岵無草木岵

詩疏引作岵

說文岵山有草木也岵

山無草木也玉篇廣韻竝云岵山多草木也岵山無草

木也玉篇廣韻兼取爾雅說文說文多本毛傳爾雅說

文既同則今本毛傳相反爲傳寫之誤無疑釋文云王

肅依爾雅疑王肅所見毛詩未誤本同爾雅非必王肅

依爾雅改也釋名山有草木曰岵岵者怙也人所怙取

以爲事用也山無草木曰岵岵圯也無所出生也釋名

之說亦當本之毛傳足證正義本傳寫之譌岵爾雅作

岵北堂書鈔初學記太平御覽引釋名亦作岵爾雅釋

文引三蒼字林聲類並云岵卽岵字蓋古音讀亥如已

故通用咳之言荄基也基荄初具未有草木也此當以爾雅說文釋名爲正段說非也

上慎旃哉傳旃之也箋上者謂在軍事作部列時朱子

集傳上猶尙也瑞辰按之旃一聲之轉又爲之焉之合

聲故旃訓之又訓焉見宋上者尙之段俗漢石經魯詩

作尙是本字

猶來無止傳猶可也父尙義瑞辰按二章傳曰母尙恩

卒章傳曰兄尙親蓋皆取章末無棄無死爲義正義但

云解孝子所以稱父戒已之意由父之于子尙義非傳

悞也李黼平毛詩抽義曰說文讀中止也引司馬法曰

師多則讀讀止也然則父戒已毋輕于退是爲父尙義

也次章母戒已無棄身是母尙恩卒章兄戒已無死敵
是兄尙親故皆於章末言之傳意正當如是今按隱七
年左傳公之爲公子也與晉人戰於狐壤止焉桓七年
左傳驂絙而止止皆退敗不能前進之稱

猶來無棄

瑞辰

按無棄與無死同義說文殆棄也俗語

謂死曰大殆大殆猶曰大棄也後人亦通稱死爲棄世
行役夙夜必偕傳偕俱也瑞辰按傳訓偕爲俱者謂行
役必兼夙夜猶上章無已無寐皆兼夙夜言之也集傳
謂必與其儕同作同止似非詩義

十畝之間

十畝之間兮桑者閑閑兮傳閑閑然男女無別往來之

貌箋古者一夫百畝今十畝之間往來者閑閑然削小
之甚瑞辰按井田之法一夫百畝魏雖削小未必僅止
十畝又古者野田不得樹桑則此詩十畝蓋指公田十
畝及廬舍二畝半言也古者民各受公田十畝又廬舍
各二畝半環廬舍重桑蔭雜菜孟子所謂五畝之宅樹
牆下以桑穀梁傳所云公田爲居公羊宣十五年何註
所謂還廬舍種桑荻雜菜也凡爲田十二畝半詩但言
十畝者舉成數耳閑閑泄泄皆樹桑盛多之貌詩蓋言
彼國樹桑之盛民得所居以明魏地阨隘民無所居行
與子還行與子逝皆相約往適異國卽碩鼠逝將去女
適彼樂國也箋說失之又按桑者閑閑兮白帖八十二

引作桑柘又云十畝桑柘盡趨南陌之功古音石與者同聲故柘或段僧作者猶渥渚韓詩作渥汭也桑柘同類皆可養蠶月令季春命野虞母伐桑柘是也三家詩蓋有作桑柘者故白帖引之二章亦當作桑柘說毛詩者望文生義無知者字當訓柘者蓋已久矣

行與子還兮傳或行來者或來還者

瑞辰

按顏師古注

漢書楊雄傳曰行且也李善文選注亦曰行猶且也王尚書謂此詩行與子還行與子逝猶言且與子歸且與子往其說是也今按詩人思去其國有昔來而今歸者有去此而適彼者故或言還或言逝皆謂往也傳以還爲來還者似非詩義正義云往來俱行讀行爲行路之

行亦非

伐檀

坎坎伐檀兮傳坎坎伐檀聲瑞辰按漢石經飲飲伐輪
兮漢劉表京房竝以飲爲坎大元雷推飲寧卽坎窞也
皆坎古通作飲之證廣雅飲飲聲也鼓聲爲坎坎伐木
聲亦爲坎坎

河水清且漣漪傳風行水成文曰漣伐檀以俟世用若
俟河水清且漣瑞辰按詩義蓋以河水之清喻君子之
廉潔有異在位之貪鄙非如傳言俟河之清也爾雅釋
水云河水清且漣漪大波爲瀾據說文大波爲瀾瀾或
从連作漣是瀾漣本一字古連讀若瀾故與檀干爲韻

漣亦作瀾猶蓮通作蔺也滄漢石經作兮釋文本作猗
與書秦誓斷斷猗大學引作兮正合是知猗卽兮也正
義釋詩云猗皆辭也亦謂猗卽兮耳

胡取禾三百廛兮傳一夫之居曰廛

瑞辰

按易訟九二

其邑人三百戶鄭注下大夫采地方一成其稅三百家
故三百戶雜記大夫之喪其升正柩也執引者三百人
鄭注諸侯之大夫邑有三百戶之制疏引鄭君易訟卦
注爲證云一成所以三百家者一成九百夫宮室塗巷
山澤三分去一餘有六百夫畝又有不易一易再易通
率一家而受二夫之地是定稅三百家也又論語奪伯
氏駢邑三百孔注伯氏食邑三百家鄭注三百家齊下

大夫之制此詩三百廛正義引遂人夫一廛田百畝卽爲三百家亦指下大夫采地之制言之二章三百億三章三百圉皆承上三百廛而言謂三百家所取之億三百家所取之圉變文以協韻耳又按國語吳語曰寡人其達王於弔句東夫婦三百亦是三百家有夫有婦然後爲家此傳只言一夫者言夫以該婦也

不素餐兮傳素空也

瑞辰

按廣雅釋詁素空也素索古

通用

左傳八索釋文本或素釋名八索索素也

小爾雅索空也孟子趙注無

功而食謂之素餐亦訓素爲空韓詩訓爲質素失之足利本餐作飡劉向說苑引詩不素飡兮據說文餐或从水作浪鄭風使我不能餐兮考文本餐作浪知飡爲浪

字之譌至爾雅釋言粲餐也釋文餐本作殮乃因餐本作浪與殮形近而誤

河水清且直猗傳直直波也瑞辰按釋水直波爲徑郭註言徑涎也釋名作直波曰涇云涇徑也言如道徑也爾雅瀾淪皆釋此詩則徑亦釋詩詩本蓋作徑猗毛傳原作徑直波也徑直聲轉古卽讀如直後人以徑於韻不協乃改爲直正義所云直波不言徑而言直者取韻故也然直波不可單稱直猶漣爲大波不可遂稱大淪爲小波不可遂稱小也又按說文涇直流也與直波爲徑音義相近疑徑卽涇之段借徑涇聲皆雙聲涇之通作徑猶詩瓶之罄兮之通作寧也

河水清且淪淪傳小風水成文轉如輪也瑞辰按釋文
引韓詩順流而風曰淪淪文貌據廣雅釋詁倫順也韓
詩訓淪爲順流而風正與倫義近順流則波恒小亦與
爾雅小波爲淪義合釋名淪倫也水文相次有倫理也
理亦順也義正與韓詩同較毛傳文轉如輪爲善

胡取禾三百困兮傳圓者爲困瑞辰按說文困廩之圓

者从禾在口中圓謂之困方謂之京今時農人以席作
圈貯穀曰囷釋名囷屯也屯聚之也說文作筵云筵也
筵判竹圓以盛穀也廣雅筵謂之筵據蒼頡篇筵圓倉
也則知今之囷卽古困之遺制困也筵也筵也異名而
同實說文又曰幡載米筵也讀若屯卦之屯亦與困筵

聲近而義同固卽筮之俗字

不素殮兮傳熟食曰殮箋殮讀如魚殮之殮

瑞辰

按孟

子趙註朝食曰饗夕曰殮此對言則異也小雅祈父傳
熟食曰饗此傳又曰熟食曰殮此散言則通也至周官
司儀注小禮曰殮大禮曰饗上公殮五牢饗餼九牢侯
伯殮四牢饗餼七牢子男殮三牢饗餼一牢注公侯伯
子男殮皆飪一牢是其殮饗與常食不同且殮亦不皆
熟食據鄭志答張逸云禮殮饗大非可素不得與不素
餐相配故易之是鄭君誤以毛傳熟食曰殮爲指禮食
不知毛公亦泛言熟食耳至鄭君讀如魚殮之殮據字
林殮水澆飯也釋名殮散也投水於中解散也禮記玉

藻疏飧謂用飲澆飯於器中也魚飧蓋置魚飯中有似水澆飯者遂名魚飧故公羊以爲儉又按說文飧舖也舖申時食也而正義引說文飧水澆飯也證以釋文乃知所引說文係字林之誤

碩鼠

碩鼠碩鼠碩大也瑞辰按碩鼠卽爾雅鼯鼠碩卽鼯之段俗易晉九四晉如鼯鼠子夏易傳九家易竝作碩鼠是碩鼯通用之證碩鼯皆取大義非卽五技鼠詩疏引爾雅孫炎注以鼯鼠爲五技鼠樊光舍人注同其說非也廣雅鼯鼠鼯鼠郭注爾雅鼯鼠云形大如鼠頭似兔尾有毛青黃色好在田中食粟豆關西呼爲鼯鼠見廣

雅音雀正義引陸機疏云今河東有大鼠能人立交前
兩脚於頸上號舞善鳴食人禾苗人逐則走入樹空中
亦有五技或謂之雀鼠其形大故序云大鼠也魏國今
河北縣是也言其方物宜謂此鼠非鼯鼠也則陸疏謂
碩鼠別有一種卽古所云禮鼠者非卽五技鼠也

三歲貫女傳貫事也箋我事女三歲矣

瑞辰

按貫魯詩

作宦貫卽宦之段借釋文貫徐音官說文宦仕也玉篇
宦宦也說文官吏事君也仕與事亦同義三歲宦女猶
左傳云宦三年矣古者三載考績又于三年大比民數
故詩言三歲宦女謂其仕已三年曾無德政及民以明
在所當黜也此蓋刺其大夫重歛之詩序國人刺其君

重欽當作其君子猶汾沮洳序其君子儉以能勤今本誤作其君也

爰得我直傳得其直道箋直猶正也

瑞辰

按直與道一

聲之轉古通用說苑脩文篇樂之動於內使人易道而好良易道卽樂易所云易直也爾雅釋詁道直也爰得我直猶云爰得我道傳云得其直道者正以道訓直非於直外增道字也箋謂直猶正也失之王尙書讀直爲職訓職爲所與上章爰得我所同義竊謂訓直爲道義與所亦相合古人以失路爲失所則得道亦爲得所矣誰之永號傳號呼也箋之往也永歌也樂郊之地誰獨當往而歌號者言皆喜說無憂苦

瑞辰

按永釋文本作

咏云咏本亦作永同音詠足利本作詠據箋永音也正
讀永爲詠古詠歌字多消作永永號猶詠歎也正義云
永是長之訓以永號其文故以永爲歌失之之其也呂氏
春秋音初篇誰之永號猶云誰其永號箋訓之爲往失
高注之其也
之